

# Es wott es Fraueli z Märli go

Trad.



Es wottes Frau e-li z Märli go, z Märli go, wott de Ma de - hei-me lo, trala la la la,  
trala la la la, wott de Ma de - hei-me lo, trala la la la la la la

- 02 Hans, du muesch deheime blybe, heime blybe,  
muesch de Hühner d Eier gryffe, trala la la la, trala la la la,  
muesch de Hühner d Eier gryffe, trala la la la,
- 03 Im Ofen sy sechs grossi Chueche, grossi Chueche,  
muesch mer au zo dene luege, trala la la la, trala la la la,  
muesch mer au zo dene luege, trala la la la la la.
- 04 Am Aabe wo s isch sechs gsi, sechs gsi,  
sy die Chueche gresse gsy, trala la la la, trala la la la,  
sy die Chueche gresse gsy, trala la la la la la.
- 05 Und wo das Froueli hei isch cho, hei isch cho,  
Ma, wo häsch mer d Chueche wo? Tra la la la la, trala la la la,  
Ma, wo häsch mer d Chueche wo? Tra la la la la la la.
- 06 Und hei die Hühner alli gleit, alli gleit?  
Dr Guggel hät sis Ei verleit, trala la la la, trala la la la,  
Dr Guggel hät sis Ei verleit, trala la la la la la.
- 07 Do nimmt si dä Hans bim Bärtli, Bärtli,  
und rüert en use is Gärtli, trala la la la, trala la la la,  
und rüert en use is Gärtli, trala la la la la la.
- 08 Dä Hans, dä springt is Nochburhus, is Nochburhus,  
dä Chasper luegt zum Feischer us, trala la la la, trala la la la,  
dä Chasper luegt zum Feischer us, trala la la la la la.
- 09 Chasper, mir müend zämme ha, zämme ha,  
d Frou wott mir dä Gring verschla, trala la la la, trala la la la,  
d Frou wott mir dä Gring verschla, trala la la la la la.
- 10 Hans, du muesch di nüd beklage, nüd beklage,  
mini hät mer en scho verschlage, trala la la la, trala la la la,  
mini hät mer en scho verschlage, trala la la la la la.
- 11 Die Froue sy es Lumpepack, es Lumpepack,  
sy us Stroh und Hudle gmacht, trala la la la, trala la la la,  
sy us Stroh und Hudle gmacht, trala la la la la la.
- 12 Mir Manne sy ganz anger Lüt, anger Lüt,  
suffe viil und schaffe nüt, trala la la la, trala la la la,  
suffe viil und schaffe nüt, trala la la la la la.